

Na Aruba ta recorda dia internacional di Traficacion y Esclavitud di Hende dia 18 di October



ORANJESTAD (AAN): Jeannette Richardson Baars ta coordinadora nacional riba trafico humano. Traficacion di hende ta wordo yama esclavitud moderno. Den tur forma tin esclavitud awendia. Jeanette Richardson a splica cu ainda esaki ta existi. E miembronan di e comisio di trafico humano tabata tey. DIMAS, Slachtoffer Hulp y otro departamentonan tabata tey. 18 di October ta e fecha di Traficacion Internacional di Hende. Lo tin varios representante den reino cu

lo tey pa papia riba e tema y purba stop esaki. Mas leu Jeanette Richardson Baars durante e conferencia a splica cu nan lo papia riba otro topiconan mas cu por wordo usa pa traha hunto. E MOU existente lo wordo evalua. Ta un reunion importante y ta pa esnan trahando den taskforce den tur e islanan. Lo tin un reunion tambe pa tur esnan na Aruba unda lo pasa un pelicula. Aki tur esnan di e comision di Traficacion di Hende lo tey pa splica esnan cu bin con ta constata trafico di hende.

Na Aruba nos a conoce un caso grandi di traficacion di hende na Aruba. Jeanette Baars Richardson a splica cu hende den tur sector laboral por bira victima. Bo ta den un relacion unda palabracion cu bo dunador di trabou no a wordo honra. E ta un situacion amplio ora ta papia di traficacion di hende. Tin cosnan cu por ta conflicto laboral pero ora bo no tin libertad pa haci loke bo kier den sector laboral e por bira un traficacion di hende of esclavitud.